

K204.3

1

通鑑釋文辯誤卷第十

天台胡三省身之

通鑑二百八

中宗神龍元年敬暉瞿然不悅

海陵本釋文曰瞿九縛切說文遠視貌余按九縛切乃瞿字瞿音九遇翻驚視而失其常度之貌陸德明經典釋文甚明史炤於此音紀具切是至正百四十八卷武宗會昌四年炤音又非

左衛將軍上邽紀勳訥

史炤釋文曰上邽即秦州天水縣余按漢書地理

志上邽縣屬隴西郡天水別爲郡各新唐書地理志秦州天水郡治上邽無天水縣宋白續通典秦州有天水縣而清水縣治上邽鎮史炤所云未知何據

二年改贈后父韋玄貞爲酆王后四弟皆封郡王

費本註曰酆郡名余按唐制后弟封郡王韋玄貞后父必贈爲國王酆者封國之名非郡名也且自古未嘗有酆郡去年已封韋玄貞爲上洛王上洛郡名也自郡封而進贈國封中宗之濫爵固不足言然郡封國封之制則不可以無辯

袁恕已掊地爪甲殆盡

史炤釋文曰掊蒲墨切僵也余按僵踣之踣其旁從足不從手表袁恕已若只僵踣於地何爲爪甲殆盡此由以爪甲爬地也類篇掊從蒲侯翻今從之

通鑑二百九

景龍元年武平一名甄以字行

史炤釋文曰甄之人切余謂音之人切者姓也人之有字以表其名甄之爲義明也察也別也惟明惟察惟別然後能平一此正以甄明甄察甄別而命字甄當音稽延翻

睿宗景雲元年上御梨園毬場

史炤釋文作黎園註曰黎憐題切余按此乃梨園
非黎園也果木之梨音力脂翻

命韋溫總知內外守捉兵馬事

史炤釋文曰唐制兵之戍邊者大曰軍小曰守捉

曰城曰鎮而總之曰道

費本同

余謂此乃京城皇城

宮城內外守捉兵馬非邊戍之守捉也宣宗之崩
踵故事增人守捉此其證也

通鑑二百十

二年前右率府鎧曹參軍柳澤

史炤釋文曰鎧甲也鎧曹十六衛官屬也

費本同

今

按唐制太子十率府亦有鎧曹等諸參軍柳澤乃十率府屬非十六衛府屬也右率府右衛率府

玄宗先天元年能撩李日知嗔

史炤釋文曰撩蓮條切說文撩理也

海陵本同

余謂炤

音是而義非撩取也嗔怒也言取怒也又俗說以撻發爲撩今人謂相挑發爲相撩撥

通鑑二百一十一

開元二年立皇子嗣主爲鄆王

史炤釋文曰鄆於巾切故衛地在濮陽余按衛地

之郵音吉掾翻無於巾一音

通鑑二百一十二

七年王毛仲嚴察有幹力萬騎功臣閑廐官吏皆憚之

史炤釋文曰睿宗改千騎曰萬騎余按太宗選驍勇者從遊獵謂之百騎則天時稍增爲千騎中宗改曰萬騎非睿宗也通鑑於睿宗景雲元年書萬騎本末甚明

十三年更名長從宿衛之士曰彍騎分隸十二衛總十二萬人爲六番

史炤釋文曰隋制十二衛唐因之曰翊衛曰驍騎
衛曰左衛曰右衛曰禦衛曰侯衛爲左右焉驍騎
分隸十二衛每衛萬人余按唐受隋禪置十二衛
府已微變其官名至武德五年又改云云辯見一
百八十六卷高祖武德元年令史炤所云十二衛
武德元年之制也以唐六典考之則開元之十二
衛曰左右衛曰左右驍衛曰左右武衛曰左右威
衛曰左右領軍衛曰左右金吾衛

通鑑二百一十三

十五年賜貴近絲一綬

通鑑纂要
費本註曰綬謂之綖余按晉書綠綖綬謂以萸草
染綬故綬因謂之綖此言絲一綖猶絲一繚耳非
綖綬之綖唐制麻三斤爲綖未知絲一綖其爲斤
兩何如也史炤亦曰綖猶繚也

十八年京城第舍郊畿田園參半皆宦官矣

史炤釋文曰參半間厠也余謂參者三也或三分
之一或三分之二也半則中分而言之言有其半
也

通鑑二百一十四

二十四年史炤千者與安祿山同里閭

史炤釋文曰閼說文閼也汝南平輿里門曰閼余謂此亦史炤以廣韻爲據也按漢高祖居沛與盧縮同里閼何特汝南平輿里門曰閼哉

通鑑二百一十五

天寶元年隴右節度使統臨洮河源白水安人振威威戎漠門寧塞積石鎮西十軍

史炤釋文曰寧塞廓州軍後曰寧邊余按隴右所統十軍而獨釋寧塞一軍何也十軍註詳見通鑑

正文下

田同秀上言見玄元皇帝告以我藏靈符在尹喜故

宅上遣使於故函谷關尹喜臺旁求得之

史炤釋文曰崔浩云尹喜爲散關令也蓋老子嘗
過尹喜故田同秀託言藏靈符於尹喜宅耳余按
抱朴子云老子西遊遇關令尹喜於散關爲喜著
道德經一卷謂之老子其說與崔浩同又李尤函
谷關銘云尹喜邀孝留作二篇則以喜爲函谷關
令括地志散關在岐州陳倉縣東南五十二里函
谷關在陝州桃林縣西南十二里又岐州盩厔縣
樓觀山有尹喜舊宅今爲崇聖觀山脚有授經臺
此亦以尹喜爲散關令故有其遺蹟也但唐玄宗

因田同秀之言求符於故函谷關尹喜臺旁則以
尹喜爲函谷關令矣史記言老子去周度關時周
都洛函谷關爲是

二年崔成甫紅栢首

史炤釋文曰栢普駕切通俗文帛三幅曰帕

海陵本同

余按栢首之栢莫百翻今人謂之抹額是也韓愈
元和聖德詩以紅栢首若通俗文所謂帛三幅者
謂帕也非栢首之栢

四載楮誚戰死

費本註曰誚直毅切余按誚直嚴翻費本誤

通鑑二百一十六

八載吐蕃多貯糧食積橐木及石

史炤釋文曰橐盧回切余按此橐木即前卷礮橐
如雨之橐合音盧對翻史炤音釋前後不相照應
類如此

十載高尚雍奴人

史炤釋文曰雍奴雍州縣名余按唐書地理志幽
州有雍奴縣非雍州也

通鑑二百一十七

十四載賈循華原人也

史炤釋文曰華原邑名屬耀州余按五代史梁開平初華原賊帥溫韜聚衆據縣岐王李茂貞始以華原置耀州使韜鎮之此時未有耀州也新唐書地理志華原縣屬雍州開元元年以雍州爲京兆府

安祿山乘鐵輦

史炤釋文曰輦羊茹切余謂此輦字即輿字今人多讀從平聲蓋舁車之輦是人輦之則音羊茹切若乘輦則人乘車輿也讀當平聲二百二十五卷代宗大歷十四年乘輦誤同

祿山步騎散漫人莫知其數

史炤釋文曰漫謨官切又莫半切余謂當從下音
肅宗至德元載魯炁屯葉北以備安祿山

史炤釋文曰葉縣之北汝州也余按通鑑下文魯
炁立柵於渚水之南未至汝州

程千里出崞口討賊

史炤釋文曰崞口在代州

海陵本同

余按舊唐崞口在

相州西山在代州者崞縣非崞口也二百二十六
卷德宗建中二年崞口註亦誤

通鑑二百一十八

同羅曳落河居五分之一

史炤釋文曰安祿山所劫同羅兵號曳落河余按祿山養同羅奚契丹降者八千餘人號曳落河曳落河者胡言壯士也是時史思明等合兵五萬餘人而同羅曳落河居五分之一是同羅曳落河不下萬人矣祿山在洛方圖開輔所養曳落河八千餘人若以萬人付思明反浮於所養之數不應如此蓋同羅者阿布思之部落也阿布思敗死其部落歸祿山祿山簡同羅之壯者與奚契丹之壯者養之通謂之曳落河其不預曳落河之養者尚多

通鑑辨疑十
今遣助思明者同羅之兵及曳落河通有萬許人耳

菱涉至此勞苦至矣

史炤釋文曰菱草舍一曰草木根本亦作跋余按菱草舍也鄭康成之說草行曰菱水行曰涉正應此義不當妄引草木根本以自雜其說

太子至烏氏彭原太守李遵出迎

海陵本釋文曰是年改烏氏曰保定余按烏氏漢縣故墟在彭原東南據舊唐書烏氏驛名新唐志保定縣本漢安定縣唐爲涇州治所在彭原西一